

Omisi leviora. Id addo: Exempli nostri Partes cum Scriptoris, tum Compactoris vitio trajectas esse, et ultima quaedam folia deperiisse.

CCLIV.

R. 1993 Codex membraneus lat. Sec. XIV. Folior. 214. 4. maj. per duas columnas nitide exaratus, minio distinctus, et olim *Domus Portae beate Marie virginis In axpach ordinis Cartusienfium prope Danubium*, in infer. *Austria* sequentia complectitur: I. *Biblia beate Marie Virginis*. Initium: *In principio creavit deus celum et terram. Gen. I. Celum s. empyreum per quod intelligitur domina mundi uirgo maria. Est enim similis celo multis de causis. quarum una ponitur in hystoria. Empyreum enim quoniam cito factum est. statim dispositum et ornatum est. quod non alij celi. sic et ipsa in gratia et sanctificatione. &c. Ita excepto Esdra, Psalterio, Machabaeis, Actis et Epistolis Apostolicis enotatur e sacris Literis, quidquid adcommodari Deiparae potest. Conclusio vero est ejusmodi: Hunc libellum ad honorem tuum qualitercunque compilatum benigne suscipias. et omnia peccata mea diluas. Gratiam gratum facientem finaliter tribuas. et ad gloriam sempiternam me famulum tuum Martinum perducas. Amen. Tu quoque o lector quidquid in eo emendandum est caritate fraterna studeas emendare. Emendemus ergo mox in hoc Epiphonemate rō diluere et tribuere, utpo-*

te quod soli Deo competit. Quis porro *Martinus* is, *Bibliothecae Marianaе Marraccii* addendus, fuerit, cum ignaris ignoro. Tō *Gratia gratum faciens* Scholasticorum Seculum respicit.

II. fol. 38. p. 2. sequitur prolixa et gravis Oratio ad Deum, quae incipit: *Omnipotens et misericors Deus qui essentialiter es bonus, cuius gratia preuentus homo sua peccata considerat plangit et deserit &c. et finit: de te uiuentes et te benedicentes teque in perpetuum collaudantes Qui in trinitate perfecta uiuis et regnas Deus. Ad Soliloquia et Meditationes olim Augustino adscriptas, et ad Orationes Anselmianas accedit.*

III. fol. 42. Incipitur salutatio beate Marie virginis a fratre Chunrado compilata. Initium est: *Quoniam ut ait Jeronimus nulli dubium est &c. Ad calcem vero Clausula miniata habet: Explicit speculum beate virginis. Quid jam statuemus? Extat sub hoc Titulo inter Opera Bonaventurae edit. Lugd. T. VI. p. 429. totum hoc Opusculum priorem Salutationis angelicae Partem explicans; at nos a Fratre Chunrado didicimus compilatum. Et adstipulatur Tritheimius in Catal. illustr. Viror. Germ. f. 26. Conradum de Saxonia O. M. inter alia L. unum de Salutatione Angelica scripsisse testatus, id, quod et ipse Waddingus in Biblioth. Ordinis non abnuuit. Nunquid conualefcit ab eo p. 75. relata Iulii Nigronii suspicio: Omnia Opuscula spirituaalia, quae sine authore circumferreban-*

rebantur in Ordine Minorum, a pio Viro collecta data esse in lucem sub nomine S. Bonaventurae? Exemplar praesens Indice alphab. Rerum ad calcem instructum est. Marraccius in *Bibl. Mariana* v. Bonaventura perperam *Speculum B. Mariae suae de Laudibus Virginis L. 1. et de Laudibus B. V. in Salutationem Angelicam Libellum* distinguit, neque tamen etiam ab adferendo *Conrado* abstinet.

IV. fol. 88. *Liber*, ut e calce praeoccupo, *canticorum expositus ad laudem uirginis marie*. Additur alia aequae vetusta penna: *per sanctum thomam*. Initium est: *Osculetur &c. Que est ista exclamatio. tam magna. tam repentina. o beata maria. inundatio gaudij. vis amoris. torrens voluptatis. totam te operuit &c. et finis: deum unum uiuum et verum. cuius regnum et imperium permanet in secula seculorum Amen*. Expositio Thomae in *Cantica* extat T. XIII. edit. Rom. 1570. f. sed ea ad B. V. Mariam detorta non est. Neque aliam norunt *Echardus* et *Quetifus*. Itaque Commentario praesenti hederam adpendit aut Ignorantia, aut Spes adscito *Aquinatis* nomine illum celebriorem reddendi.

V. fol. 144. Congeries Textuum biblicorum ad informandos Sermones de Sanctis per anni decursum, ita tamen, ut prima Congeries sit pro Festo Pentecostes.

VI. fol. 154. *Incipit rota in medio rote*. In Elencho Codici praevio additur: *et sunt figure veteris testamenti ad diuersas materias*. Verum nec istud quidquam

docet, nisi noris, *diuersas* has *materias* esse totam Historiam evangelicam inde ab *annuntiatione dominica et conceptione* usque ad *Iudicium uiuorum et mortuorum*. Haec igitur Allegoriis e V. T. depromptis in usum Concionatorum illustratur, adiecta mantissae loco *Doctrina de VII. Sacramentis Ecclesiae*.

VII. fol. 160. *Summa Magistri Johannis belet de ecclesiastico officio*. Manu vetustiore Sec. XIII. Init: *In primitiva ecclesia prohibitum erat &c*. Aliud Exemplar jam Vol. I. P. III. col. 2873. retuli; neque praesens istud minus variat ab Editis, ita v. g. in Edit *Dilling.* 1572. 8. min. deest *Caput integrum de VII. Dormientibus*, quod nobis fol. 208. p. 2. legitur; ita ad *Caput de S. Martino* fol. 213. nobis additur: *Cappam eius post mortem reges francorum consueuerunt portare in prelijs. Vnde ipsi custodes ab ipsa dicti sunt Capellani*. Sunt vero etiam non pauca in Editione, quae desiderantur in Codice, ut nihil dicam de elocutionis differentia, quae omnia Librariorum in transferendo licentiae imputanda censeo.

CCLV.

Codex membraneus lat. Sec. R. 334r

XIV. Folior. 99. 8. per duas columnas probe scriptus, et minio distinctus, hoc titulo est: *Incipit byblia beate virginis Marie*. Titulos puta e sacris Literis ordine Librorum illi adcommodatos, nonnunquam non sine pia quadam vio-